

# 1 Tesalonicenses

---

**Pablo ojoa ohoahye Jesu yequinare Tesalónica cjênare**

**1** <sup>1</sup>Yũhũ Pablo, Silvano, Timoteo gãhũ musare quehnoa dutiaja. Sa yegu ahrire musare ojoa ohoaja yũhũ, Pablo. Mũsa pehe Tesalónica cjãna mari Pacũ Cohãcjũ yequina ijire. Mari pũhtoro Jesucristo yequina gãhũ ijire mũsa. Sa yena Cohãcjũ mari Pacũ, mari pũhtoro Jesucristo mehna musare quehnoa dutiaja. Tiquina yedohoye mehna quehnoano ijia mũsa.

**Jesu yequina Tesalónica cjẽna pehe Jesure quehnoano wacũ tutuahye**

<sup>2</sup>Cohãcjũre sinina ijipihyeyequina Jesure mũsa wacũ tutuayere wacũna, “Quehnoa yũhdũare usãre”, niducuaja usã musare. Cohãcjũre sinina, mũsa ye ijiatire sa sini basaducuna niaja usã. <sup>3</sup>Mũsa pehe Jesucristore quehnoano wacũ tutuañohti. Sa wacũ tutuana, Jesu yere yeñohti mũsa. Jesucristore, apequina gãhũre mũsa cahĩñohti. Sa cahĩna, Jesu yere tutuaro yena niaga mũsa. Jesucristore mari pũhtorore wacũ tutuaducuñohti mũsa. Sa wacũ tutuaducuna musare tiqiro yũhdũoatire masina, tire cohtena niñohti mũsa. Sa yena tiqirore wacũ tutua duhuerañohti mũsa. Cohãcjũ mari Pacũre sinina, tire mũsa sa yerire wacũaja usã. <sup>4-5</sup>Usã acaye, Cohãcjũ cahĩona ijire mũsa. Musare tiqiro beserire masiaja usã. Sohõ ijiri pje musare quehnoañe buheyere buhena sa yahu cãna niedũ musare. Espĩritu Santo tiqiro tutuaye mehna quehnoañe buheyere buhena nii musare. Sa buhena ti buheye poto ijigũ quehnoano masii usã. Sa yena mũsa watoa usã ijina, usã yerire masine mũsa. Musare yedohona sa yei usã. Musare buherina ijina, Cohãcjũ beserina mũsa ijigũ masiaja usã.

<sup>6</sup>Sohõ ijiri pjeũre mũsa ñano yũhdũna, quehnoañe buheyere cahmedi mũsa. Mũsa sa cahmegũ, Espĩritu Santo pehe musare quehnoano bucuegũ yeri. Tiquiro sa yegũ mũsa pehe usãre ihña cũ, usã yeriro sahata yeri. Sa yena Jesu gãhũre ihña cũri mũsa. <sup>7</sup>Sa ye Jesu yequina Macedonia yehpa cjẽna, Acaya yehpa cjẽna gãhũ Jesu yere mũsa yerire masidi. Sa masiĩe tiquina gãhũ musare ihña cũ, mũsa yeriro sahata yeri. <sup>8</sup>Macedonia yehpa cjẽna, Acaya yehpa cjẽna gãhũ mari pũhtoro yere mũsa buhegũ tũhooñohti. Cohãcjũre mũsa wacũ tutuarire tũhoriquina pehe tiquina dihita ijierare. Ijipihyeyequina mũsa wacũ tutuarire tũhooñohti. Sa ye usã tiquinare yahuerapegũta tire masi tuhasari tiquina. <sup>9</sup>Sa

ye mûsa cahapû usã tinidire, usãre mûsa quehnoano piti carire yahuri tiquina ijipihitiro cjênare. Sa yena Cohãcjû pehere wacû tutuana, “Cohãcjû ijire”, ni mûsa ño peoye queoyere cohã cãri mûsa Cohãcjû ye pehere yena tana. Tiquiro Cohãcjû pehe catiriquiro, Cohãcjû waro ijire. <sup>10</sup>Sa ye “Cohãcjû macûnore uhmûsepu ahtatiquirore Tesalónica cjêna cohteye nine”, ni yahuri masa mûsare. Tiquiro macûnore yariariquirore Cohãcjû masoahye. Tiquiro sa masogû tiquiro macûno Jesu pehe marine ña yuhduaro tiquiro buhiri dahreborinare yuhduori jiri.

### Tesalónica wame tiri macapû tiquiro dahrarire yahuahye Pablo

**2** <sup>1</sup>Mûsa cahapû ijina usã sa iji cãna nieda tii. Mûsare quehnoano yedohorina ijie tii usã. Tire quehnoano masine mûsa, usã acaye. <sup>2</sup>Sa yena Filipopû ijina ñano usã yuhduarire, usãre ñano tiquina yerire quehnoano masine mûsa. Usãre tiquina sa yepegûta Cohãcjû yedohoye mehna cuero marieno Cohãcjû yere quehnoañe buheyere buhei usã mûsa gûhure. Usãre masa peyequina tiquina ihña tuhtiepegûta quehnoañe buheyere buhei usã mûsare. <sup>3</sup>Mûsare buhena quehnoano usã masidire buhei usã mûsare. Sa buhena potota mûsare yedohona nii. Mûsare buhena ni mehoedû. <sup>4</sup>Cohãcjû cahmeno saha buheaja usã. Quehnoañe buheyere buheanare Cohãcjû beseri usãre. Tiquiro sa beserina usã ijigû tiquiro ye buheyere usã buhegû quehnoarîne, Cohãcjû ihñagû. Sa yena ohõ saha buheaja usã. Masa tiquina ihña bucueatire buhena niedaja usã. Cohãcjû pehe usãre tiquiro ihña bucueatire tiquiro yere buheaja usã. Tiquiro pehe mari tuhotuyere, mari ye duayere quehnoano masine. <sup>5</sup>Quehnoañe buheyere buhena tûho bucueati yahuducuye mehna buhena niedû. Queoro quehnoano mehna buhei usã mûsare. Ahrire masine mûsa. Sa yena usã buhena, mûsare apee borore wapa cahmena niedû usã. Ahrire Cohãcjû masine. Potota nigû niaja. <sup>6</sup>Sa buhena masa usãre tiquina ño peoatire yena niedû usã. Mûsare apequina gûhure usãre ño peo dutina tana niedû.

<sup>7</sup>Sa ño peo dutierapenata Cristo cûrina ijiaja. Sa tiquiro cûrina ijina mûsare wapa cahmeboya usã. Sa yena puhto yero saha mûsare dutina ijiboja usã. Sa ijiepenata numino ticoro nijinogãre ticoro quehnoano masoriro saha quehnoano mehna yei usã mûsare. <sup>8</sup>Sa yena mûsare quehnoano cahmena, Cohãcjû yere quehnoañe buheyere buhei usã mûsare. Sa yena ti dihitare yena niedû mûsare. Mûsare quehnoano yedohou, usã catinina. Usã cahîna mûsa ijigû mûsare sa yedohou usã. <sup>9</sup>Sa mûsare cahîna tutuaro yedohou usã mûsare. Tire wacûre mûsa, usã acaye. Cohãcjû yere quehnoañe buheyere buhena mûsa cuoyere sini cariboeru mûsare. Sa yena decori, ñamini gûhure dahrau usã.

<sup>10</sup>Quehnoano, poto, ni mehono marieno mûsare Jesu yequinare usã yerire masine mûsa. Cohãcjû gûhu tire masine. <sup>11</sup>Sa yena ihcãquiro masûno tiquiro pohnene tiquiro quehnoano yahu bucuegû yeriro saha mûsa gûhure yahuna bucuegû yei. Tire masine mûsa. <sup>12</sup>Cohãcjû tiquiro puhtoro ijiorpu, quehnoa yuhduaropu mûsare pijiori. Sa yena tiquiro yequina mûsa ijigû Cohãcjû cahmediro sahata mûsare iji dutii usã.

<sup>13</sup>Cohãcjũ yere musare usã yahurire musa tuhona, ohõ saha ni tuhutori musa: “Masa tiquina esa tuhoro tiquina buheye ijierare. Cohãcjũ ye buheyeta ijire”, ni tuhutori musa. Tire musa tuhotugũ masina bucueaja usã. Sa yena Cohãcjũre sinina “Quehnoare”, niaja usã tiquiore. Ijirota ijire. Musare usã buheye Cohãcjũ yahuducuye poto ijirota nine. Sa yero musa Jesure wacũ tutuana ijigũ Cohãcjũ tiquiore ye buheye mehna musare quehnoañe pehere comesagũ yere. <sup>14</sup>Jesucristore wacũ tutuayequinare Judea yehpa cjẽnare tiquina yeriro saha musa gũhũre yeri apequina. Judea yehpa cjẽna Jesu yequina pehere tiquina acaye ijiepetã ñano yũhdũgũ yeri judio masa pehe. Musa gũhũre musa ya dihta cjẽna ñano yũhdũgũ yeri. <sup>15-16</sup>Judio masa pehe Cohãcjũ yere yahu mũhtariquinare panopũ cjẽnare wejẽe tiahye. Sa ye mari pũhtoro Jesu gũhũre wejẽahye tiquina. Sa yeye tiquina usãre cohãri. Cohãcjũre tiquina bujũa witigũ yeri. Sa ye peyequina masare ihña tuhtiri tiquina. Judio masa ijieyequinare Cohãcjũ yere usã yahu duami tiquina gũhũre pecapũ wahaboriquinare “Cohãcjũ yũhdũoahro”, nina. Usã sa yahu duepegũta judio masa pehe usãre ne Cohãcjũ yere apequinare yahu dutierari. Sa yahu dutieraye pajiro buhiri ti nemoñe nine tiquina. Yojoþũre tiquinare tutuaro Cohãcjũ buhiri dahrerota.

### Pablo Tesalónica cjẽna cahapũ pari turi tini duamahye

<sup>17</sup>Usã acaye, yojoþũre mehenogã musa cahapũ ijierana musare wacũna niaja. Sa yena musare tutuaro ihña duana, musa cahapũ waha duami. <sup>18-19</sup>Ihquẽ tahari yũhũ Pablo musare ihñagũ waha duami. Yũhũ sa waha duepegũta Satana pehe usã wahaboriõre dojomehnedi. Sa yena wahaerũ usã. Usãre bucuegũ yena musa ijigũ musare ihña duami. Usã buhegũ quehnoano tuhõrina ijire musa. Mari pũhtoro Jesu ahri yehpapũ tiquiore tojoa tagũ musa pehe usãre bucuegũ yenata. Sa yena bucueye mehna musa mehna Jesu poto ducunata. <sup>20</sup>Sata ijire. Musare ihñano Jesu pehe “Quehnoano buheri musa”, ninota usãre. Sa yena quehnoano bucueaja usã.

**3** <sup>1-2</sup>Sa ye musare yoari pje ihñedana musare tutuaro tuhõ duana tire wacũna, Timoteore musa cahapũ ohou. Tiquiõre mari acayũro Jesu yaquiõre Cohãcjũ cahacjũno ijiro, usã mehna quehnoañe buheyere buheriquiõre ijire. Sa yena tiquiõre ohou Jesucristore quehnoano musa wacũ tutuatire, musa bucueati gũhũre. Tiquiõre ohona usã sehõsaro Atena wame tiri macapũ tojoarĩ. <sup>3</sup>Musa ñano yũhdũepenata Jesu yere musa cohãedatire ohou usã Timoteore. Jesu yequina ijina ñano yũhdũnata mari. Tire masine musa. <sup>4</sup>Panopũre musa mehna usã ijinina, mari ñano yũhdũatireta yahu tuhasaũ musare. Sa yena usã nidiõro sahata mari ñano yũhdũũ. Tire musa quehnoano masine. <sup>5</sup>Sa yegũ musare yoari pje ihñedagũ musare tutuaro tuhõ duaũ. Sa yegũ Jesure musa wacũ tutuarire masigũ tagũ Timoteore ohou yũhũ. “Watĩno musare ñano ye dutiari”, nigũ, “Musare usã buherire musapũ duhuari”, nigũ, tiquiõre ohou yũhũ. Jesu ye buheyere musa duhugũ musare usã buheri dũhõseati ijieraboaga.

<sup>6</sup>Sa yero yojopure Timoteo musa cahapü ijiriquiro usã cahapü tojoa wihiri. Sa tojoa wihiro quehnoañe quitire usãre yahuri tiquiro. Jesure musa quehnoano wacü tutuayere, apequinare musa cahĩne gũhure tiquiro yahuri usãre. Sa ni tuhasa usãre musa quehnoano wacũrire, musare usã ihña duariro sahata musa gũhũ tutuaro usãre musa ihña duarire yahuri usãre tiquiro. <sup>7</sup>Sa yena usã acaye yojopure ñano yuhdũepenata musa Jesure quehnoano wacü tutuagũ tuhona usã bucueaja. <sup>8</sup>Jesure musa quehnoano wacü tutuarire tiquiro yere musa cohãedarire tuhona quehnoano jeri sajãja usã. <sup>9</sup>Sa ni tãhotuna, Cohãcjũ ihñonopũ usã tutuaro bucueaja. Sa bucuenta Cohãcjũre “Quehnoare”, niãja usã. <sup>10</sup>Deco gũhure, ñamipũ gũhure Cohãcjũre siniãja musare usã ihñatire. Jesu yere musa quehnoano masi pehogũ ye duaja usã quehnoano musa tiquiore wacü tutua nemoatire.

<sup>11</sup>Cohãcjũ mari Pacũ tiquiro basi, mari puhtoro Jesu gũhũ usãre tiquina yedohogũ cahmeaja musa cahapũ usã wahatire. <sup>12</sup>Sa yero mari puhtoro Jesu ijipihtiyequina musa mehna cjẽnare, ijipihtiyequina apequina gũhure cahĩ nemogũ yeahro musare. Musare usã cahĩdiro sahata tutuaro cahĩ nemogũ yeahro musare. <sup>13</sup>Musare quehnoano tiquiro yedohogũ, buhiri mariena, ñañe mariena ijinata musa, Cohãcjũ mari Pacũ ihñagũ. Mari puhtoro Jesu ijipihtiyequina tiquiro yequina quehnoañequina mehna ahri yehpapũ tiquiro tojoa tagũ sata ijinata musa.

**“Cohãcjũre bucuegũ ye duana ohõ saha yeya”, ni yahuahye Pablo**

**4** <sup>1</sup>Yojopure Jesu mari puhtoro tiquiro dutiro mehna musare ohõ saha ni yahuaja: “Cohãcjũre bucuegũ ye duana ohõ saha yeya”, ni buhei usã musare. Usã sa buheri bato usã buheriro sahata yeñohti musa. Musa sa yeriro sahata ye nemoña. Tire tutuaro ye dutiaja musare.

<sup>2</sup>Jesu mari puhtoro tiquiro buhe dutiro mehna musare usã buherire quehnoano masine musa. <sup>3</sup>Ahrire musare yahu nemoutja: Musa ohõ saha ijigũ cahmene Cohãcjũ: Ñañene yeracãhña. Cohãcjũ ye pehere yeya. Sa yena numia mehna ñano yeracãhña. Musa numia gũhũ umua mehna ñano yeracãhña. <sup>4</sup>Ñano yero marieno, ño peoye mehna musa namosãnumiare cõoya. Cohãcjũ musa tire masigũ cahmene. <sup>5</sup>Cohãcjũre cahmeeñequina Cohãcjũre masieñequina ñañene tutuaro cahmeñe, numia mehna ñano tiquina yeriro saha yeracãhña musa pehe. <sup>6</sup>Tiquina yero saha musa yeragũ cahmene Cohãcjũ, musa acayuro namono mehna musa ñano yeratire. Musa sa ñano yena musa acayurore yuhdũducana niãga. Mari puhtoro Cohãcjũ ti ñañene tiquina yegũ ihñano buhiri dahreatiquiro ijiro nine. Sa yena musare cuesãna tire yahuaja musare. <sup>7</sup>Ñañene yeanare beserahye Cohãcjũ marine. Ñañene ye dutieraro beseahye marine. <sup>8</sup>Sa yena ijiphtina musa ahri usã buherire yuhdũducana, masa ye buheyere yuhdũducana niedare musa. Cohãcjũ ye pehere yuhdũducana nine. Tiquiro musare Espiritu Santore ohoriquiro ijire.

<sup>9-10</sup>Musa acayere Jesu yequinare cahme cahĩñene Cohãcjũ musare buhe tuhasari. Tiquiro sa buhegũ potota Jesu yequinare Macedonia cjẽnare ijipihtiyequinare quehnoano cahĩne musa. Musa sa cahĩgũ ihñana “Musa acayere cahme cahĩña”, ni buheraja musare. Tiquinare cahĩ tuhasare musa.

Sa ni buhe nemoedapenata ahri pehere mäsare dutiaja. Yojoþure apequinare mäsä cahño sahata cahñ nemoña mäsä. <sup>11</sup>Sa yena mäsä basi cahme ihña tuhtiro marieno ijiya mäsä. Apequinare sijoro saha ni yahuducueracãhña. Sa ihña cãhña tiquinare. Sa yena mäsä ye dahraye pehere quehnoano dahraya. Panoputa mäsare sa ye dutii. <sup>12</sup>Sata yeya mäsä, apequina mäsare tiquina ño peoatire, apequina yere mäsä cariboeratire.

### Ahri yehpapure Jesu tojoa tatire yahuahye Pablo

<sup>13</sup>Yojoþure yariariquina münare yahutja mäsare: Jesure cahmedaye, masa Cohãcjũ cahapũ wahasi. Sa ye tiquina mehna cjëna tiquina yariagũ ihñañe tutuaro bujua witire. Yariariquina münä tiquina duhse wahatire potota quehnoano mäsä masigũ cahmeaja usä, apequina tiquina bujua witiro saha mäsä bujua witiatore.

<sup>14</sup>Jesu yariari bato masa mujari jiri. “Ti potota ijire”, niaja mari. Sa yena ahri gũhũre “Ijirota ijire”, ninata. Cohãcjũ pehe tiquiro yequina münare yariariquina münare masa mujagũ ye, neanota Jesu mehna. Ti gũhũre “Ijirota ijire”, niaja mari.

<sup>15</sup>Jesu tojoa tagũ tiquiro yequina yariariquina münä catiequina pano masa mija muhtaeta. Mari puhtoro Cohãcjũ ye yahuyeta ijire ahri. <sup>16</sup>Ohõ saha ijirota Jesu tojoa tagũ: Mari puhtoro tiquiro basi tutuaro sañuducu muhtanota. Sa yero tiquiro yequina angele puhtoro tutuaro pisurota. Sa tiquiro pisugũ Cohãcjũ ya corneta bisirota. Tiquina sa yegũ Jesu yequina yariariquina münä masa mija muhtaeta. <sup>17</sup>Came catiequinare, yariariquina münä mehna Cohãcjũ uhmũserũ mujagũ yerota. Tiquiro sa yegũ mari puhtoro Jesure piti canata mari. Sa piti cana ijipihtiye decori mari puhtoro Jesu mehna ijinata mari. <sup>18</sup>Ahri yũhũ yahurire mäsä mehna cjënare yahuya. Sa ni yahuna, bucuenata mäsä ijipiltina.

**5** <sup>1</sup>Jesu tojoa tati decore “Ahri deco tojoa tarota”, ni, mäsare yahu ojoasi. <sup>2</sup>Yojoþũ mäsä masino saha tiquiro tojoa tati decore marine masino basioerare. Yaqueriquiro ñamipũ wacũeno mehna tiquiro yaquero ahtaro saha ahri yehpapure mari puhtoro wacũeno mehna tojoa tarota. Ahrire mäsä basita masine. <sup>3</sup>“Yojoþure mari quehnoano ijiaja. Cuaro mariedare marine”, masa tiquina ni wacũgũ duita ñano waharota tiquinare. Sa wahagũ tiquina duhti masisi. Niji wahcõricoro wacũeno mehna ticoro purĩno tuhoturo saha wacũeno mehna sa waharota masare.

<sup>4</sup>Yũhũ acaye, mäsä pehere sa wahasi. Yaqueriquiro wũhũ cjãnore tiquiro cuezũ yeriro saha mäsä pehere sa wahasi. Jesu ahtaro mäsare cuezũ yesi. Nahitianopũ ijiequina tiquina ihña masieno saha apequina Jesure ne masiedare. Mäsä pehe tiquina yero saha ijierare. <sup>5</sup>Mäsä ijipiltina Jesu yequina ijire. Sa yena buhrioropũ tiquina ihña masino saha Jesu ahtatire masine mäsä. Apequina tiquirore masieñequina yero saha ijieraja mari.

<sup>6</sup>Sa yena Cohãcjũre tuho nũnũna ijiihna. Carĩnequina yero saha Cohãcjũre tuho nũnũna ijieracũhna mari. Apequina sata yere. Tiquina yero saha yeracũhna mari. Carĩnequina yero saha, queheyequina yero saha quehnoano wacũ masina ijiihna mari. <sup>7</sup>Carĩnequina ñamipũ carĩne. Sa ye queheyequina

ñamipũ quehere. <sup>8</sup>Mari pehe buhrioropũ ijiyequina yero saha Jesure masina ijina, quehnoano wacũ masina ijihna. Sa yena surara come suhtiro mehna tiqiro cutirote saña cahmotariro saha Cohãcjũre wacũ tutuaya mũa, wafĩnore tiqiro cahmotatire. Sa yena Cohãcjũre, apequina gãhũre cahĩña. Mũa sa yegũ Cohãcjũ mũare ihña ihborota. Sa yena mũare pecapũ wahaborinare Jesu tiqiro yũhdũoatire “Potota ijire”, niña mũa. Mũa sa nigũ surara tiqiro dapure come sapea mehna tiqiro pesa cahmotariro saha wafĩno mũare ñano ye dutigũ Cohãcjũ tiqirore cahmotarota.

<sup>9</sup>Tiqiro buhiri dahreatinare marine beserahye Cohãcjũ. Jesucristo mari pũhtoro pecapũ wahaborinare tiqiro yũhdũoatĩnare marine beseahye tiqiro. <sup>10</sup>Jesu mari ye ijatireta yariahye tiqiro mehna mari ijiatire. Catiyequina, yariariquina gãhũ tiqiro mehnata ijietã. Sa yena ijipihĩna tiqiro mehna ijinata mari tiqiro yequina ijina. <sup>11</sup>Sa yena mũa mehna cjẽnare yojorũ mũa bucuegũ yeriro saha mũa basita bucuegũ ye nemoña mũa. Sa yena mũa basita Cohãcjũre wacũ tutua nemogũ yeya mũa mehna cjẽnare.

### Jesu yequinare Pablo yahu bato tiahye

<sup>12</sup>Mũare buheyequinare mari pũhtoro buhe dutiro beseri jiri. Tiqiro sa ni besenohriquinare quehnoano ño peoya mũa. Mũa sa ño peogũ cahmegũ mũare tutuaro dutiaja. <sup>13</sup>Tiquina dahrayere yegũ tiquinare cahĩñe mehna quehnoano ño peoya. Sa yena mũa mehna cjẽna mehna cahmequeno marieno ijia.

<sup>14</sup>Mũare usã acayere, ahrire tutuaro dutiaja: Dahra dueyequinare dahra dutiya mũa. Bujua witiyequinare bucuegũ yeya mũa. Jesure wacũ tutuera cjũñequinare yedohoya. Tiquina ijipihĩteyquina mehna quehnoano usuario marieno bucueye mehna ijia mũa.

<sup>15</sup>Ihcãqiro mũare tiqiro ñano yegũ ihñana tiqirore ñano ye cahmedacãhña. Sa yena mũa mehna cjẽnare, ijipihĩteyquina apequina gãhũre quehnoano yeya.

<sup>16</sup>Sa yena decoripe sa bucueducuya mũa. <sup>17</sup>Sa yena decoripe Cohãcjũre siniducuya. <sup>18</sup>Mũa ñano yũhdũepenata Cohãcjũre bucu, “Quehnoare”, niña. Mũa quehnoano yũhdũri pje gãhũre “Quehnoare”, niña. Sa nina Cohãcjũ cahmeno sahata yena niaga mũa. Cristo Jesu yequina mũa ijigũ ihñano mũa sa nigũ cahmene tiqiro.

<sup>19</sup>Espĩritu Santore yũhtiena ijieracãhña. <sup>20</sup>Espĩritu Santo masiñe mehna apequina mũare buhere. Tiquina sa buhegũ ti buheyere yũhtiena ijieracãhña. <sup>21</sup>Apequina mũare sijoro saha tiquina ni buhegũ ti Cohãcjũ ye ijieragũ masiña mũa. Sa yena Cohãcjũ ye buheye ti ijigũ gãhũre masiña mũa. Sa masina quehnoañe buheye dihitarẽ cahmeña. <sup>22</sup>Sa yena ijipihĩte ñañene yeracãhña mũa.

<sup>23</sup>Cohãcjũ marine quehnoano ijigũ yeriquiro ijire. Tiqiro basi mũare tiqiro yequinare quehnoana, ñañe mariena ijigũ ye nemoahdo mũare. Mũa pagũri gãhũre mũa jeripohnari gãhũre quehnoano ihña ihboahro. Mari pũhtoro Jesucristo ahri yehpapũre tiqiro tojoa tato pano mũare

Cohãcjũ quehnoano ihña ihboahro m̄sare “Ñañene yeari”, nino. Tiquiro sa yegũ Cristo ahtagũ ñañe mariena ijinata m̄sa. <sup>24</sup>Sata ijigũ yerota Cohãcjũ. Tiquiro m̄sare beseriquiro tiquiro nidiro sahata yere.

**Pablo gũhu quehnoa dutiahye**

<sup>25</sup>Usã ye ijiatire Cohãcjũre sini basaya m̄sa, usã acaye.

<sup>26</sup>M̄sa mehna cjẽnare quehnoano mehna piti caya.

<sup>27</sup>Ijipihtiyequina Jesu yequinare ahri pũre buheya m̄sa. Jesu mari pũhtoro dutiye mehna ahrire m̄sare dutiaja yũhu.

<sup>28</sup>Jesucristo mari pũhtoro cahĩne mehna m̄sare tutuaro quehnoa dutiaja.